



## Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato: 22. november 2011

J.nr.: 01.31.06/11-00555

### Aningaasaqarnermut Naalakkersuisoq

#### **Tallimangornermi ulloq 18. november Aningaasaqarnermut Akileraartarnermullu Ataatsimiititaliap aalajangenera pillugu Naalakkersuisunut ilisimatitsissut - Suliaq nr. 01.31.06/11-00555**

#### **Missingersuutitut sunniuteqanngitsumik siunertanut kontomut 34.11.-mut ilassutitut aningaasaliissutit**

Naalakkersuisut **inassutigaa**,

- siunertanut kontomut 34.11.-mut oqaasertaliussamut immikkoortumik nutaamik ikkussisoqassasoq, 2011-mi ukiunilu siuliini utaqqisut ikilisarneqarnissaannut aningaasat atunngitsoorsimasat 2012-imut nuunneqarsinnaasunngorlugit,
- inassuteqaat Naalakkersuisut akuerissagaat, kiisalu akueralugu allakkat ilanngunne-qartut oqaasertaliussartallit Inatsisartut Aningaasaqarnermut Ataatsimiititaliaanut akuerisassanngorlugi ingerlateqqinneqassasut.

#### **Aningaasaqarnermut Ataatsimiititaliap oqaaseqaatai**

Naalakkersuisut suliami tatumani Aningaasaqarnermut Ataatsimiititaliamut qinnuteqarput IAI2011-mut oqaasertaliussap matuma akuerineqarnissaanik:

#### **”Siunertanut konto 34.11-mut, Immikkut ilisimasallit katsorsaallutillu ilinni-ar-titsineri**

*Immikkoortoq tulliuutoq immikkoortup siulliup kingorna ikkunneqassasoq:*

”Nr. 2.

*Siunertami kontomi pineqartumi atunngitsuukkat ukiumut aningaasaliiffiusussamut tulliuutumut nuunneqarnissaannik Naalakkersuisut piginnaatinneqarput. Ilassutitut aningaasaliissutit 9.769.000 kr.-usut annerpaamik 75 %-ii inersimasut utaqqisut ikilisarneqarnissaannut nuunneqarsinnaapput.“*

#### **Siunertanut konto 34.11-mut, Immikkut ilisimasallit katsorsaallutillu ilinniartitsineri, nassuiaatit**

*Tulliuutoq:*

*”Oqaasertaliussat AI 2010-mit ingerlateqqitaapput.“*

*taarserneqassasoq:*

*“Oqaasertaliussaq AI 2010-mit iluarsaallugu ingerlateqqitaavoq.*

*Aningaasaqarnermut Ataatsimiititaliamit ulloq xx-yy-2011 akuerineqartoq, suliaq nr. 11-xxx.“*

Ukiumut aningaasanut inatsisip atuuffissaanut tullermut aningaasanik nuussinissamut Naalakkersuisunut piginnaatitsisumik oqaasertaliussamik Aningaasaqarnermut Ataatsimiititaliap akuersissuteqarnissaa ataatsimut isigalugu pitsaavallaanngitsutut isigineqarsinnaavoq. Oqaasertaliussat taamaattut missingersuutit pillugit inatsimmi § 28, imm. 3-mi aalajangersakkamik unioqqutitsinertut tunngaviatigut isigineqarsinnaapput, tassani allassimammat; ”*Nutaa-nik aningaasaliissuteqartoqarnissaanik aningaasaliissutinilluunniit allannortitsisoqarnissaanik*

*qinnuteqaatit taamaallaat aningaasaqarnikkut iliussissanut ukiup aningaasanut inat-sisip atuuffiata ingerlanerani aningaasartuuteqarnikkut sunniuteqartussanut tunngasuusassapput.*”. Matumani oqaasertaliussap kingunerissavaa ukiumi aningaasanut inat-sisip atuuffiani pinnani aatsaalli ukiup tulliani aningaasartuuteqarneq. Aalajangersakkamili allasimasumi oqaasertaliussat taaneqanngillat, Aningaasaqarnermullu Ataatsimiititaliaasarsimasut oqaasertaliussat taamatut allanngortinneqarnissaannik akuersissuteqarsinnaasutut isigisarsimapput, ta-mannalu ilassutitut aningaasaliissutitut inatsisissatut siunnersuutit upernaakkut ataatsimiinnermi suliarineqarnerannut atatillugu Inatsisartunit uparuaatigineqartarsimanani. Tamatuma saniatigut ataatsimiititaliamit tunngavissaatinneqartariaqarpoq taamatut periu-seqarneq Ani-ningaasaqarnermut Naalakkersuisoqarfimmit K-gruppimillu eqqarsarnartoqartin-neqarsiman-ngitsoq, tassami siunnersuut ataatsimiititaliamit suliarineqartussanngorlugu nas-siunneqarmat.

Siunissami oqaasertaliussat taamaattut taamaattoq pingaarnertut najoqqutassatut Aningaasa-nut inatsisissatut siunnersuummut Inatsisartut nalinginnaasumik ukiakkut ataatsimiinnerminni akuersissutigisartagaannut ilanngunniarneqartariaqarput.

Ataatsimiititaliap taamatuttaaq maluginiarpaa oqaasertaliussassamut siunnersuummut *nassui-aammi* aningaasaliissuteqarnermi allannguutip qinnutigineqartup tunuliaqutai ilisimatitsissuti-gineqanngimmata. Amigaat tamanna ilassutitut aningaasaliissutitut inatsimmut isumaliutissi-issummini kingullermi ataatsimiititaliap nalinginnaasumik uparuarpaa. Taamaattumik naam-maginarpallaanngilaq amigaat tamanna naammattooqqinneqarmat.

### **Aningaasaqarnermut Ataatsimiititaliap aalajangenera**

Aningaasaqarnermut Ataatsimiititaliap siuliini taaneqartutut paasinnilluni Naalakkersuisut inassuteqaatai **akuerai**.

Aningaasaqarnermut Ataatsimiititaliap sinnerlugu

Andreas Uldum  
Siulittaasoq